

L'ano é lo loou

Eun gn ano peuccaa tranqueuilo deun eun dzen prou can, to d'eun cou, vouélà arrevi eun loou. Eun pouén pa scappi, l'ano, pe nén chotre, comménse a trampéyi é deui : « Oh, mon chère loou, se te siche... si eun trén de crapi de mou, n'í eunna ipeun-a deun la cocca ! ».

Lo loou l'a repondeui-lei : « Tracassa-té pa, mon chère ano, te va veuito feneui de aèi mou péqué... voou te medji ! ».

Adón l'ano l'a deu : « Oh, mon chère loou, so te conveun pa... péqué l'ipeun-a poureu te allè di travèe... ».

« Va bién, adón devàn te gavo l'ipeun-a, aprè te meudzo pi... deun queun pià l'é-ti ? ».

« Deun sitte de déri... » é, eun dién sisse mot, l'ano lèi baille an grousa piatou !

Lo loou, a ranversa pe téra é eun braillén di mou, deui : « Bién fi... mé que si nèisseui betchì é que vouilloù feuye lo medeseun ! ».



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Phèdre, La bise et le soleil

Texte publié en 2011 dans « Jovençan-Dzoençan » - Commune de Jovençan

Collaborateur de Jovençan : **Alessandra Bianquin**

La transcription a été soignée par le Guichet Linguistique

Mise à jour de la graphie : octobre 2013